

Reisebericht von der Zweitageswanderung 2024

Am 4. Juli si 7 Wandervögu zämecho
U hei di Zweitageswanderig unger Füess gno

Mit em Zug u Bus isch es bis ufe Col de la Croix gange
Dert het üsi erscht Wanderig agfange

Mit emene Startkaffee ufem Pass
Isch es du losgange mit emene Ufschtig, zemlich krass

Nachhär isch es aber ganz gäbig gange
U d Wolche si gar nid hert ache ghange

Mit dr Zyt het me dr ganz Mont-Blanc gseh
Vor üs dr ganz Bärgrühlig, was wosch no meh



Na dr nid ganz länge Mittagsrascht
Das het nid ganz aune vo üs passt.

Es isch mit emene Abstig über moosigs Gebiet witergange
Üsi Schuh si fasch im Sumpf blibe hange

Mir hei veu Blume, Veh u Bärge gseh
Dr Bruno fragt, wenn chunnt jetz ändlich de versprochnig See



Ändlich isch de Lac Chavonnes füre cho
So schön, es het üs fasch dr Atem gno

Nach dem hei mir der Ufsteg uf e Col de Bretaye unger Füess gno
Aui si froh gsi wo mir obe sie acho

Ändlich a Pouse, es Bier ohni grossi Hascht
Dr Rucksack abzieh mit dr schwäre Lascht

Mir hei du Bahn nach Villars-sur-Ollon gno
U si guet e üsem Hotel Ecoreuil acho

Für z Aperu u Abeässe si mir in es andersch Restaurant gange
Dert het du dr Trubel mit em Chäuner agfange.

Mi hät es Lehrvideo "wie soll ich es nicht machen" chöne ufnäh
U das a d Hotelschule aus Abschreckig witergäh

Aber mir hei gseit, so sigs haut eso
Z Ässe isch guet gsi u mir hei gnu übercho.

Nach ämene Kaffee u Bier isch d Müedigkeit cho
O mir hei dr Heiwäg zum Hotel unger Füess gno

Nach dr agnähme Nachtruh u emene fürschtliche Morgeässe
Si mir du für d Wanderig vom 2. Tag zämme gsässe

Dr Hansjörg het üs grippig müesse verlah
U mit Bus u Bahn ufe Heiwäg ga.

Be dr vorgsehne Wanderig isch gsi a Brügg gschperrt
Drmit üsi Tageswanderig verwehrt

Mir hei üs de für ne Wanderig uf em Col du Pillon entschide
Nach emene bitzeli hin u här isches du be däre bliebe.

Dr Urban het nach emene Sturz o afa lyde
Er isch du bim Lac Retaud bliebe

Dr Louis het mit sir Steissbeistuchig o müesse lyde
Är isch aber tapfer di ganz Zyt be dr Gruppe bliebe

Dr Räschte het du Rundtour um La Palette unger Füess gno
U isch zum Stune gar nüme use cho



Schöns Wätter, agnämi Temperature, Bärgfrühlig u Schnee
Üses Härz het höher gschlage, vorauem bim Ablick vom Arnesee



So si di zwe Täg im Schnäuzugstämpo verbi
Es get nume eis Wort „WUNDERSCHÖÖN“ ische es gsi

Härzliche Dank Peter für die gueti Organisation
Mit dr Planig für nächscht Jahr chasch afa scho morn

Teilnehmer der Wanderung:

Peter Aellen, Peter Siegenthaler, Louis Zurbach, Hansjörg Keller,
Urban Loher, Bruno Matter, Werner Brüllhardt

Werner